

ميمي عبد الجليل

# بيشبهلي

أشعار عامية

## بطاقة الكتاب

عنوان المؤلف : بيشبهلى  
المؤلف : ميمى عبد الجليل  
التصنيف : أشعار بالعامية المصرية  
رقم الإيداع : 2017-28624  
عدد الصفحات : 100 صفحة  
رقم الإصدار الداخلي : 101  
تاريخ الإصدار الداخلي : 2017/ 12 طبعة ثانية  
جميع حقوق الطبع والنشر محفوظة للشاعر، ولا يحق لأى دار نشر  
طبع ونشر وتوزيع الكتاب الا بموافقة كتابية وموثقة من الشاعر

### دار النيل والفرات للنشر والتوزيع

سجل تجارى : 13242  
بطاقة ضريبية : 165-5-00031-572-01-35  
رقم التسجيل : 2017-7 544-662-202  
E-mail: alnile waalforat@yahoo.com  
twitter: النيل والفرات  
youtube: alnile waalforat@yahoo.com  
facebook: alnile wa alforat  
هاتف : 01011256943 - 01116202218 - 01202541192



الشرقية - العاشر من رمضان - مجاورة ١٣ - عقار ٣٠٤ - الدور الثانى - أمام سنتر ١٣

# إهداء

إلي أسرتي الصغيرة.....

أيام ،، ليالي ،، جوماتنا و عبدالرحمن

إلي روح أمي وأبي ،،،،،أختي و أخي

إلي من أحبهم ويحبونني من أفراد عائلتي

إلي أساتذتي ..تلامذتي ..أصدقائي ..صديقاتي

إلي متابعيني و من يستمتعون بأحرفي وكلماتي

اهدي اليكم ديواني الأول متمنية من الله عز وجل أن ينال لديكم  
استحسانا..فان قدر الله لي النجاح سيكون بفضل الله وفضلكم

شكر خاص الي دار النيل والفرات للنشر والتوزيع

متمثلة في الاستاذ الشاعر ناجي عبدالمنعم صاحب الدار

وصديقي الشاعر محمد الساعي مدير إدارة الطبع والنشر بالدار

و الله ولي التوفيق

ميمي محمود عبدالجليل

يناير 2018

# إهداء خاص

إلي ملهمي

إلي من لم يقدر البعاد أن يفرق بيني وبينه

إلي الرجل الأوحى في حياتي

إليك ...

و أنت تعلم من أنت بقلبي

(م هو إنا بعيد عن الورقة اللي مكتوبة..)

روحين جمعها رب العرش داخل روح)

لك ديواني الأول

ميمي

# بيشبهلي

في كل حروفه يشبهلي  
في وجعه وخوفه بشبهلي  
و بين الكلمة والكلمة  
ألم وحنين ببشبه لي  
ومعني الجملة لو تبكي  
ولو كل السطور تحكي بتشبه لي  
ووصف الحزن جوا قصايد يشبهلي  
ولون الفرح ويا الشوق  
بطول أبياتة يشبهلي  
ولو تقروا معاني التوهة والحيرة  
ونار البعد ويا الحب والغيرة

وكلمة جريئة تتمني تشوف النور

ومستنية تأشيرة

تلاقوا ديوان ....

بيشبهلي !!!

# أنا

أنا اللي الورد غار منها

وقال الأه

و أنا اللي الكلمة تعجبها

تقول ... الله ؛

أنا القلب الضعيف جدااااا

ومتعافي

و أنا الهمسة اللي مشتاقة

ل ليل ..دافي

أنا الكلمة بحنية

و أنا الصحكة اللي منسية

و أنا اللي لما بشتاق لك

تفوت أيامي قدامي  
موطية ....  
ومحنية ؛؛  
أنا اللي الحب بكاني  
وخذ مني .. ولا اداني  
و انا الشمعة اللي منقادة  
ف ليلة صب .. وحداني  
و انا اللي رموني جنب الحيط  
لا ايد مدت تططب لي  
ولا حسوا .. بأحزاني؛؛

# مات الكلام

مقتول يا صوت العاشقين

والصرخة فيك ... متبعترة

مين السبب ..

ف اللي حصل ... واللي جري

واللي مزود ف الجراح

خلاها زي المجزرة

اياك تقول لي، معذرة

اياك تقول، لي ..

دي حكم همقدره

مات الكلام ..

مات الكلام .. بس افتكّر

راح ييجي يوم  
تتمني فيه المغفرة  
تتمني يصحي ده الحنين  
راح ييجي يوم  
قلبك ده هيموت م الأنين  
هتعيش هناك .. وحدك حزين  
زي، الجنين .. لما يشب  
يطول بايده نبض قلبك يقسمه  
ويسمك صوت دقة  
ان انت زي الظالمين  
ظلموا بعنادهم حبهم  
قتلوه .. وباعوا العاشقين  
وان حبيبك لما فاض بيه الالم  
هاجر.....

هاجر، مع الطير الحزين  
انبج صوته وهو ينده ... يا معين  
بس الاكاده ان ربك كان معاه حاري امين  
مات الكلام ...  
مات الكلام .. والصرخة جوه الحلق  
بتسرب الم  
من كتر لهفه الانتظار  
حتي السكوت ..  
حتي السكوت اصبح عدم مليون مرار  
مات الكلام اسكت بقي  
اسكت بقي ...  
ده مفيش لقا ..  
ولا فيه امانى للرجوع  
ولا فيه آهات ... ولا فيه دموع

انت قتلته بالعناد وبقسوتك

لما جنيت

علي، قلب مليون بالحنان

اسكت بقي

مات الكلام

# عارف ؟

عارف ساعات

تختار تبوح

بس الكلام

مليان جروح

وساعات كتير

الدنيا تضيق .. تخنقك

طب فين تروح ؛

وساعات تلاقى الابتسامة صادفتك

تفرح أوى

والضحكه ترجع فيها روح

وساعات تقابل ناس كنيبة

وناس غريبه  
وناس تنوح  
وساعات تلاقى ناس بتفهم قصتك  
من غير ... شروح  
عارف ..  
عارف ساعات  
لما الزمن يحفر علي وشك  
حاجات  
لما الليالي المؤلمة جواك  
تبات  
لما تجافيك ال ذكريات  
اياك تئن وتتوجع ...  
بطل تفكر ف اللي فات  
واوعاك تقول أنا قلبي مات

لما الزمن  
يحفر علي وشك حاجات  
خطى برجلك للحياة  
اعلا لفوق ,, اعلا كمان  
او مد ايدك لل سما  
واطلب من الله ..  
الثبات ...

هى كده الدنيا ساعات  
تقلب مواجعك ..واللي فات  
وساعات تصيبك بالهنا  
وتلاقى كل الفرح  
ف عيونك ... يبات ؛؛

# الوداع

لما عشقها الجدع      كات ضحكتة وغناه  
ضرب فى مرة الودع      قلبه اتوجع وياه  
قلب الصبية انخلع      شافت ألم فرقاه  
مهمن عملتوا البدع      نار الفراق كوياه  
قلب الجدع موجوع      عقل الصبية تاه  
دارت عيونها دموع      نرف الوريد جواه  
عاشقاه بقلب أخضر      عاشقها يا ولداه  
ياريت ما شافوا الودع      ولا عرفوا ايه خباه!

## سايقه عليك الهوي

سايقة عليك النبي

م تزيذ ف يوم همي

ولا تطفي يوم كوكبي

ولا حرق من دمي

وبلاش تشمت عدا

وتفرح اللايمين

ده انا قلبي عاش لك صبي

بيدادي ويسمي

سايقة عليك الهوي

تنصف معاك قلبي

م البعد داب وانكوي

ويداري ويخبي  
لو كان غرامك شقا  
اعطف وحن وميل  
وهات معاك الدوا  
وتعالى عيش جنبى  
سايقة عليك القمر  
ترحم عذاب ليلي  
وتداوي جرح السهر  
تعدل ميزان ميلي  
ويحن قلبك رضا  
ع اللي ضناها الشوق  
عاشقاك وبالمختصر  
اياك تزيد ويلي!!

## بنت اللدّينا

إيه يا دنيا؟؟

جبتي آخرك ولا لسه

ماشيه ليه اليوم بخمسة

كل م انسي وأقول أصالحك

ألقي طبعك كله خسة

ايه يا دنيا

قاسية وبتاعت مصالح

مرمطي قلب ال صالح

بيعي واشتري تاني فينا

لجل ما نجيك نصالح

وان نسينا....فكرينا

ما انت غدرک زاد علینا  
قلبنا یطبطب علیکی  
وانت مش قابله تراضینا  
ایه یا دنیا ..

ایه یا دنیا ولیه غبیه  
بتهادینا الحزن غیه  
لوعینا ... وهدی فینا  
خلتینا احنا الضحیه

لیة یا دنیا ??  
بحلف ان اعند معاکى  
أکسر السیم ف هواکى  
و ان قالوا لی کنت طیب  
مش هیطیب....  
هجرک ...

ولا أكون دواكى !!  
دنيا دى بنت اللذينا  
شائلة ...حاطة كتير علينا  
لو شافتنا بنبكى منها  
هيا راح تضحك علينا  
كل مرة تزيد عنادها  
تجبرك تعشق بعادها  
تهدي دايمًا ليك عذابها  
مرمطت أجدع ما فينا  
دنيا حافظة كتير حاجاتنا  
حاطة مناخيرها ف حياتنا  
وان ضحكت معاها ليلة  
تانى يوم بتزيد آهاتها  
وان صاحبت الفرح فيها

تجرى بالأحزان علينا  
دنيا غدارة ولنيمة  
توهمك أنك حبيبها  
تحضنك وتقول ...قريبها  
تملا كل اليوم غناوى  
وان غفينا عنها ليلة  
تسرق النور من عيننا  
هيا دى بنت اللذينا  
طب ما تضحك وتعاندها  
فيها اية لو تبقى سيدها  
ليه تملي نكون عبيدها  
لما هيا ...  
لحظة و تضيع من ايدينا  
و آه يا دنيا !!

## إلي من يهمة الأمر

أنا عاشقة عنيك جدااااا  
ولون الورد ف كعابك  
وعاشقة الليل علي جفونك  
ودقة قلبي علي بابك  
وعاشقة الشعر لونه أبيض  
وشبه الغيرة ف عتابك  
أنا عاشقة النهار يطلع  
و أنا دايبه ف اعتابك  
تقول مواويل .. أقوم اسمع  
ونتذكر سوا احبابك  
أنا فاكرة اللي عدي وكان

وفاكرة من بعيد ب زمان  
و فاكرة دموع وحرقتنا  
كثير،نتشارك الاحزان  
وفاكرة ليالي عشرتنا  
ومين قال لك واحشني ياخال  
وفاكرة سنين ف غربتنا  
وتجري معايا ف الترحال  
أنا فاكرة أبوك و امك  
وكل مواقف الايام  
ومين حس ف لقاك فرحة  
ومين فسر لك الأحلام  
أنا مش ناسية أوجاعنا  
ومين شكيناله وسمعنا  
ومين بارك حكايتنا

ومين شمتان لفرقتنا  
ومين زارنا وشاف بيتنا  
ووشه .. قلب الألوآن  
أقول لك سر ...  
انا بتناسي فرقتنا  
وأغيب ف النوم  
و أوهم نفسي  
ان فراقنا مش هيدوم  
واعمل اني بستناك  
غيابك كلهم كام يوم  
و ألبس أحلي ما عندي  
وأحط الشال  
و احضر لك كلام يتقال  
والجيب لك بن ومحوج

واظبط لك كمان الشاي  
أقول لك سر من تاني ..  
انا بضحك علي الدنيا  
واقول هنسأك  
لكن بيني وبين قلبي  
اخذنا العهد...  
تعيش العمر جوانا  
وتفضل كل يوم ف البال !

## بفضفض لك

نويت انى ابطل  
اكون الحنونه اللى تسأل عليك  
وارجع وتانى  
اعتب زمانى اللى يشتاق اليك  
واتوه ف الليالى  
وارفض حنانى اللى واخذنى ليك  
وقررت أعافر  
و أسيبك واسافر ولا عود اليك  
نويت انسى حبك  
وأنسى انى قربك سهرت الليالى  
ودبت ف عينيك

و اقطع رسايلك و ابطل احايلك  
وانسى انى عاشقه ل لمسة ايديك  
وافتح عيونى و أمرها خونى و أقصص ضفايرى  
لأجل ان م تفرد تضلل عليك  
نويت مش هضمك وهنسى انى أمك  
وخالتك و عمك وكل القراب و ما كنش ليك  
و قلت أبقي قاسية وللحب ناسية  
و أخلى الليالى تبيع و تجافيك  
ولو يوم تلومنى أزورك تزورنى  
تنادى عليا تبص ف عنيا  
تطبب بقلبك و تلمس ايديا  
ف تلقانى فجأه نسيت الاسية  
و بعث القضية و بجري عليك  
لأنك بقلبى و دربك ده دربى

وعايش بحبى وأنا عايشة بيك  
وبقسم بربي وبالمستخبي  
لتفضل حبيبي ولا أفسى عليك !!

## و الف بلاد

و الف بلاد ... وادور فيها

عشان .. مايرد لي الغايب

تتوهني خطاويها ..

ياريتناقدر اطول .. نايب

زمن قلاب ..

يخلي م الصبي .. شايب

وناس يمكن تعض ايدك

وناس ف الشده ما تفيدك

و الف وادووور واروح اسال

يا عم الشيخ

ابوس ايدك

تخلي ده الحبيب يرجع  
يقول امشي  
مينفعشي  
غرامه فيكي صار، يوجع  
وحبه ليكي ما ينفع  
اقول ده حرام ...  
عشان قلبه قاسيت يامه  
ودقت النار  
يا اهل الداار .. وفين رحتوا  
تعالوا واسالوا عني  
وشوفوا ان كنت متهني  
وحسوا بقلبي والنني  
ده انا اللي كنت يوم ...  
جني ..

ميقدرنيش ولا واحد

يقولوا...

فرحتك راحت ..

اقول .. ابدأااا

ده يومي ف اللي جاي أحلي

ويمكن تطول الرحلة

وتتخطي سنين عمري

ويلمع تاني لون فجري

وطول عمري وانا بجري .

وبتمني ..

لا يوم اتعب ..

ولا توجعني خطاويها.

وخطوة بخطوة همشيها

والملم شعري لو سايب

وانده .. فيها من تاني

ياريبيببيت ...

لو ..

يرجع الغايب !!

# سوق البَدَل

فيه ناس تَبْدِل ف البَدَل

وناس بتلبسها البدل

وناس كتير لو عريانين

عمرك ما تلقى لهم ..بَدَل !

فيه بدله لونها بيعجبك

وبدله تانيه بتجذبك

وقماش كتير لو تلمسه

يحرق ايديك ..ويدوبك !

فيه ناس بتلبس بالمقاس

وناس بتاخذ بالمداس

وناس تبيعك بالرخيص

عشان جنيه زاد ف الميراث !

ماهو سوق بَدَل

راجل ..تليق البدله بيه

واحد ..مقاسها كبير عليه

وتلاقي أب وباع ضناه

عشان (م ..... ة) ضحكت عليه !!

مش كل واحد جاب قماش

فَصَل ..لبس..بقي اسمه "بيه "

ده فيه كتير لبسوا الحرير

ولسَه عرق الندل فيه

وفيه رجال لو شفتهم

تتمنى نظرة من عنيه !

ماهو سوق بدل

قالوا الرجوله مش كلام

ولا لبس وشوية عطور  
ولا كل من عاش ف الحرام  
كفّر ذنوبه بعود بخور  
ولا كل من زار أوليا  
هيشوف بدال الضلّمة نور  
ده فيه رجال يتكلموا  
بيخلوا كل الكون .. يدور !  
يدخل ويكتب ف الحديث  
قال عامل انه شيخ طُرُق  
ويعيش عليك دور الشريف  
و كأنه قال ... نجم وبرق  
تحسب جنابه واد نضيف  
أتاريه .. مع الحلوين .. عَرَق !  
أصل الرجوله مش بدل

ما تخذش بالمنظر كتير  
ولا مين ومين لبس البدل  
ومتعاشرش ف يوم بخيل  
كَنَزَّ عشان يوم يتعدل  
صاحب بأخلاقك أصيل  
ياخد ايديك لو يوم تميل  
لو لابس البدلة بعرق !  
افهم بقي ..  
مش كل واحد جاب قماش  
يفهم ف لبسه للبدل !!!

# لما أموت

لما أموت .....

أوعى تحزن

أوعى تبكى كثير عليا

هو يوم واحد كفاية

بعده.. راح تنسى القضية

\*\*\*

"لما أموت"

وانت جايلى فى الزيارة

ابقى هاتلى معاك هدية

ورد... من غير مزهرية

رُشهُ ع القبر اللى ساعنى

وانسى مين باعنى وخدعنى  
وانت.... متكونش الضحية

\*\*\*

"لما أموت"

ابقى كفى بحنانك

ما أنت عارف

انى مُت كثير عشانك

لما كنت تغيب عليا

أو تفوتنى وحدانية

أو تجرحنى بكلامك

\*\*\*

"لما أموت"

افتكر شوقى وحنانى

افتكر أوقات جنانى

وانسى أى كلمة جارحة  
قولتها لك لما بتكون انت جانى

\*\*\*

"لما أموت"

ابقى احكىنى ف كلامك  
واحكى عنى للشوارع  
كنت بكره يوم خصامك  
كنت ألف بقلبي ضايح

\*\*\*

"لما أموت"

مش حيبقى فيه مشاكل  
مش حيبقى حد فاكر  
حتى حيضيع الصراخ

\*\*\*

"لما أموت"

رتل القرآن عشاني

ادعى .. واترحم زمانى

واوعى تحزن... ع ال عدى

واعرف ان الله..... شفانى

\*\*\*

"لما أموت"

انسى اى كلمه جارحه قولتھالك

وافتكر طبيبتى وحنانى

أفتكر أوقات جنانى ...

لما أموت

# احزني

أحزني...

لمي فيا الفرحة مرة

شيلي عنى قسوة مرة

وإوعى تانى تخذ عيني

إطبقي بإيدك سعادتى

قبل ما مشى تود عيني

ما إنتى دنيا عجيبة جدا

كل ما فرح تحزني

احزني

طبطني بحبك عليا

هاتى فرح يكون هدية

وابعدى الاحزان شوية  
دة انتى دمعك زاد ف عيني  
احضنينى  
احضنى فيا الليالى وخليهالى  
تكون عَفِيَّة  
حَنِّي الأيام عليا  
والدموع اللي ف عيوني  
إمسحها  
والأمانى ... إوعى تانى  
تجرّحها  
إبعنى النوم بين جفونى  
واحضنينى  
حاولى مرة تكونى طيبه  
أو حبيبته

كل آمالي الهنيئة جات بخيبة ...

والغرام اللي عشقته

جاي تاني بعد غيبة

حاولي مرة ... تنصفيني

و احضنيني

حني على قلبي اللي دايب

رجعي تاني الحبايب

ضمي قيا حلم غايب

و افهميني

قبل ما يهرب ويمشى

هاتي شوقه جوا إيدي

خلي كل شموعي تضوي

هاتي عيدى ....

و ان قالوك روحى منها

إوعي تانى تظلمينى  
إرحمى القلب ال عاشق  
خيبى فيهم ظنونى  
واحضنينى !!

# فوق جبين الحلم

فوق جبين الحلم واقف

جاتله جلطة

شافوا قلبة قالوا تالف

ناقصه فرحة

سبل الجفنين بتوعه

سرسبت حرقة ف دموعة

دارى جرحه بين ضلوعة

افتكر لحظة خضوعه

لما مد الايد شموعه

حَب يتنهد براحته

طلعت التنهيدة صرخة

فوق جبين الحلم تايه

جوه خوفاً مستخبي  
شاف سواد الليل وطوله  
قال: ياربي  
خاف من ال جايين يقولوا  
شلت ذنبي  
ارتجف لحظة وصوله  
م المخبي  
دق قلبه دقه واحدة وقال  
سماح  
ال جي لي ف الزمان ده  
مش يكون أد ال راح  
واللي راح ف الدنيا تايه  
قلبه مليون بالجراح  
والجراح موجوعه جدااا

والأمل مخنوق بايده  
مش مكفيه البراح  
حمل على قلبه الصغير  
والبكا عدي النواح  
واللى جاي كتير قصير  
مين يقول أد اللى راح  
فوق جبين الحلم خايف  
حط نقطة  
مد ايده لرب شايف  
كل غطه  
يطلب الغفران يقاوح  
يذكر ان الله مسامح  
فوق جبين الحلم عارف  
ان دى آخر محطة ؛؛

## يا بحر بعثب عليك

ضم الجناح يا بحر و..حن ع العشاق  
وارحم بقلب الصبي لوعة جريح مشتاق  
من امتي يا بحر كنت تحس تتأثر  
لما الحبايب يرجعوك مجروحين بفراق  
الكل فاهم سكوتك حزن ع المساكين  
بيفكروك في الهنا بتجمّع العاشقين  
وانت اللي يا بحر شوفت الغدر وبتسكت  
وقت اما رجعوا ل حزنك ويا ناس تانيين  
غنوا عشاتك ودابو والدموع سائلة  
واستنوا منك وفا أو تعدل المائلة  
وانت اللي موجك علا ع الشط وبيضحك

بل الهدوم انما ...لسة القلوب شائلة  
انا نفسي مرة أفهمك ..ليه نجري ونجيك  
نحضن ف موجك أوي.ونغني مواويلك  
نضحك علي نفسنا ..انك لنا مداوي  
ملحك حرق جرحنا ..واحنا اللي ظالمينك؟  
قالوا ان فيك حسنات وبتحفظ الاسرار  
وبتكتم الآهات و تحن ع المحтар  
وانا ليه بشوف قسوتك والقلب فيك جامد  
شاهد علي المجاريح ولا يوم أخذت التار  
علي حنة من رملتك .اتجمعوا العاشقين  
بنوا م البيوت جنتك وملوها شوق وحنين  
موجك علا هدها واتفرقوا الصحبة  
صاب الوجع قلبهم ..زرع الضلوع بأنين  
الذكريات سرسبت علي شطك المرجان

والصورة صابها النور .. ظهرت ليالي زمان  
الروح تسافر لهم ترمي الصباح وتعود  
تلقي الحنين طبعهم .. والهجر عمره م كان  
أنا جيت أزور مايتك .. واتذكر اللي فات  
و كنت من صُحْبَتِكَ .. بحكي لك الحكايات  
كان لي حبيب يشبهك في الحزن وجنونك  
لما وجعنا الفراق ... انت رضيت بسكات  
بعتب عليك واحضنك واعشق سهر ليلك  
ولا عمري يوم اكرهك لو دبت من ويلك  
فبلاش تموت م الخجل . واوعدني يوم بالشوق  
عاشقة شطوط رملتك ولا احب يوم غيرك !!!

# اتنين صحاب

اتنين صحاب

حلموا في مرة يلتقوا

فالحلم داب

اتنين صحاب

حلموا في مرة يفرحوا

شافوا العذاب

حلموا في مرة وصدقوا

ان الهنا مقسوم لهم

وان الطريق مفروش لهم

بالورد والياسمين سوي

فالحلم غاب

اتنين صحاب  
من بره كنت تقول صحاب  
لكنهم كانوا الهوي  
كانوا لاجاعهم دوا  
كانوا حبايب يحلموا  
ويقسموا كل الآمال  
يتبسموا للدنيا تحلو بجمال  
يتهدوا يطلع زفيرمليان سهاد  
لتنين حبايب انما عشقوا الغناد  
عاشوا الحياة مستنين الفرح يبكي باللقا  
ينسوا التعب ساعة الشقا  
تدبل عيونهم م الغنا  
من لفهم في كثير بلاد  
اتنين حبايب بس بتصيبهم عيون

تملا ضلوعهم بالغياب حد الشجون  
توجع قلوبهم تملا ايامهم ضنا  
اتنين وحلموا المستحيل  
طول الحياة يبقوا سوا  
اتنين وتالتهم هوي  
بس القدر ويا العناد اتكتلوا  
واتفقوا ينهوا حلمهم واستقتلوا  
اتنين حبايب نسيوا مرة يحلموا  
ف الحلم...شاااب !!

# ياااا قهوتك

إضبط مواعيد قهوتك  
على دق قلبي اللي انجرح  
من يوم ما بعدت سكتك  
مش حاسة لية طعم الفرح  
إشربها مضبوطة بـ مرارى و  
حب عاش عشرين سنة  
حَوجها بحنين إشتياقى و  
لهفة ف ضلوع المنى  
وبوش دايمًا مبتسم  
رغم المرار .. رغم الضنا  
فنجانى يرسم سكتك !  
و ف وصف فنجانك بشوف

قلبي ببعشق ضحكك  
كان بُنى يظبط دنيتك !!  
ياااا قهوتك  
و العين على الوش أما أقول  
دى نظرتك  
و السُكر المضبوط أوى  
كان همستك !  
والفنجانيين المرصوصين  
مستنيين فـ المغربية  
صحوّتك  
طب قول بقى ....  
وبذمتك  
القهوة من إيدى أنا  
مش وحشتك .. يااااا قهوتك !!

## وحشتيني

همس لي بكل حنيه

وحشتيني ..

وعادها ثاني وبرقه

وحشتيني ..

وضاع مني كلام يتقال

وتهت ف صوته والموال

يادوب كلمه نطق بيها

ملت ي كل تكويني .

وغمضت العيون حبه

جريت ورا قلبي ومحبه

حلمت بانه بقولي

تعالى بسرعة ضمني  
وهاتي معاكى شوق اخضر

يدفينى

وهاتي م الحنين نسمة

ف عز الحر تروينى

وهاتي كمان ميتين بسمة

اتوه فيها وتحيينى

وقلت بكل ما فى

انا جياك يانور عينى

ياضحكه حلوه وسط الخزن

تشفينى

يا شمسي فى نهار بكره

أمل طارح بميت فكره

يا نبض القلب ف ضلوعى

يا ايد تمسح ضنا دموعي  
ياتجم ف ليل و متزوق  
أمير وبتاجه مطوق  
ده أنا محتاجه للضمه  
و قلبك...ليه بقي يعوق .  
وقال حاضر ..

حنيني ليكي شئ نادر  
علي بُعدك منيش قادر  
وفاضت دمعاه من عيني  
من الفرحة وصحتي..  
أتارينني ...

صحيت م الحلم والتوهه  
لكن هو،.... فِضِل قاعد  
ماين الرمش و عيوني

وفضلت كلمه جوايا  
ماليها الحب وشجوني  
وكان بيقول ....  
وحشتيني..

# طبطب علي نفسك

طبطب على نفسك ونام

واياك تقول ..

ان الامان من روح فلان

أو ان شخص ما ..

بيهديك الحنان

أو ان قلبك ملتئم .

ما بيوجعكش

أو ان ليلك محترم ...

ما بيجرحكش

أو ان كل الناس .. عدول

إياالك تقول ..

إن الامانى قريّبة

والناس جميلة وطيبة  
وان المشاكل كلها...  
لاقية الحلول  
إيااك تقول ..  
إنه حبيبك ..حس بيك  
أو انه لسه بين  
أيديك  
إياك تفكر ...  
انه ممكن وقت عُوزة  
بيجي يجرى أوام عليك  
إفهم بقي ..  
ليه غاوى تبقى مرمطة  
والناس عليك مستعبطة  
بقي كل واحد له حياة

متظبطة

مين حس بيك ؟

مين خاف عليك ؟

مين نشف الدمعة اللى ف عيونك

تبات

مين ونسك ساعة السكات

مين طمنك ... أو عشمك

يفضل معاك حتى الممات

مين ولا مين ..؟؟

مين حس بيك انك حزين ؟

مين داوى جرحك والانين

مين اللى حافظ غيرك انت

على الوداد

مين لف وياك البلاد

مين اللى داق جرح البعاد  
مين اللى زود ف العناد  
مين اللى طبطبع السهاد  
ماتفوق بقى ..  
الدنيا مش ...متزووقة  
اطلع بقى م الشرنقة  
وكفاية عشت سنين آلام  
اسكت خلاص  
خلص الكلام  
وعشان كده ...  
طبطبع على جرحك  
ونام

## بتكذب ليه

و كذب بكذب ..

حقول بايعاك

ومش حسنتى ييجى

هواك

ولا حقعد ورا الشباك

و أتمنى أشوف طيفك

ولا حقدر أكون ضيفك

ولا حترجى يوم شوفك

ما طول عُمرك

فايتنى وماشى على كيفك

ندهت عليك

وكنت تلبنى لندايا

وكنت الطيب الناصح  
ولا فكرت ف أسايا  
تروح أيام وترجع لى  
تلاقى العشق ف غُنايا  
وتحكى لى وتشكى لى  
أداوى الجرح و أطيب  
بميت ضحكه ووردايه  
ولما الدنيا تضحكك  
تبيع العمر وصبايا !  
وهجر بهجر راح  
أبعد  
حتعد برضه راح  
اعند  
ماهيش فارقه

ما انا اتعودت ع الحرمان

وع الفُرقه

وكنت أدادى فيك ليك

تفضفض لى وأشكيلك

و تسأل برضه أديك

لا يوم مليت

ولا حسيت بدمع عيونى

يبكيلك

وطول عمرى و أنا عاشقه سواد

ليك

وف الآخر

تقول تعبان ومش ندمان

على جرحى

وبتبكىنى يوم

فُرحى

بتكذب ليه ؟؟

عاشقتى م الصُّباع للراس

بتهمس كلمه جوايا

بمبييت إحساس

عيونك لسه عشقانى

وعندك أبقى أعلى الناس

وبتعافر

وعندك .. ياما كان

كافر

ف قلبك حُبنى بيسافر

لأبعد كون

وبملك كل تفكيرك

200 مره أكيد ف اليوم

وتانى تجيب  
عليّ اللوم  
يا راجل فوق  
ف بُعدى إمتى كنت تروق  
خلاص إرتاح  
ولوم باللوم  
حفارق قلبك القاسى  
و أغير لك ف إحساسى  
وحرفض  
إنى أبات  
مظلوم ..  
و كذب بكذب ..  
حقول بايعاك  
ومش حسنتى ييجى هواك !!

## بتستعجب !!!

تفتكر أنا ممكن أحلم

رغم إني مش بنام

تفتكر قلبي هيسلّم

من عتابه والملام

تفتكر ممكن أفوق ..

وأرمي ع الدنيا السلام

لسه من كام يوم وعدوا

سبت قلبي ف الطريق

حتي ما حاولتش أساعده

أو أدله ع الصديق

لجل ما ينور له ليله

يسنده لو كان ف ضيق  
تفتكر أنا ممكن انسي  
جرح قطع لي الوريد  
ولا قبضة روح بتقسي  
ولا حب وكان .. عنيد  
تفتكر ممكن أسامح  
وابتدي بنهار جديد  
تفتكر انا ممكن أفرح  
والوجع يبعد يروح  
بين ضلوعي الورد يطرح  
والحنين مفيهوش جروح  
تفتكر ينفع أروق ...  
تنطق الاحلام ... تبوح  
تفتكر ممكن أعود

عاشقة روعي والصمود  
يرقص القمر اللي طائل  
تشرق الشمس بوعود  
احضن الحب اللي هائل  
والحياة ترجع تجود  
تفتكر أنا ممكن أحلم  
رغم اني مش بنام  
والليالي لما تطول  
تيجي بالشوق والغرام  
تفتكر أنا ممكن أنسي  
ولا أرجع تاني أندم ..  
تبقي عيشة والسلام  
تفتكر؟؟

# للبيع

مين يشتري عُمرى اللى باقى

يقول بكام ...؟

مين يشتري باقى المودة والحنان

مين يشتري قلبى المكسّر

اللى مليون بالآلام ..؟

فُتِحَ المزاد ...

يلا بقى ما تقول ... بكام

مش طالبة ثمنه الا حفنه م الأمان

حفنة أمل تحيي اللى ميت

واللى كان ..؟

ضحيت بعمرى كتير زمان



رفات ...!!!

قُفِلَ المِزاد .....

قلتَ أما أمشى ...

من سُكات

و ألملم الجرح اللى فات

و أضيف اليه عمرى اللى جاى

على ال مات

يمكن يجينى الفرخ ف شوية

ساعات !!

# لو صحيت

لو صبحت لقتنى فجأة

صوتى ساكت

لو سألت وقالوا ماتت

هل هتزعل؟؟

ولا هتقول عُمة فاتت !

ولا هتعدد صفاتى

هل هتمشى بعقل شاتت ؟

.....

لو صبحت عرفت انى مشيت

خلاص

وصلونى وودعونى لبيت أساس

وافتكرت انى بكون لك

أغلي ناس ..

هل هتحرزن ؟

ولا هتقول ...

ربي جايب لى الخلاص !

.....

قول ومش لازم تفكر ..

عمرى ما فكرت اسيب

دمك معكر !

كنت بتغزل ف صوتك

كنت اقول الضحكة سكر

هل هتنكر ؟

.....

هل هتتذكر حنانى

او تحس ف لحظة انك

كنت جاني ؟

أو تقول وبعلو صوتك ..

آآآه يا ناس ...

لو ف يوم ترجع لى تانى !!

قول بقلبك

ما نت مش هتحب تانى

.....

لو صبحت لقتنى ذكرى

واختفيت

هل هتتذكر بانى

طول حياتى لك وفيت

حتى انى وفيت بوعدى

عُمرى سبتك .....



# هتتسانی

هتتسانی !!؟؟

یاراجل .. قول کلام تانی

ومین هتتبه من تانی

هتتسانی ..؟

وَأنا أعمل ایه ف وجدانی

ومین هیحس أشجانی

ده قلبك دق علشانی

عیونك عایشه تهوانی

هتتسانی ..؟

یا راجل قول کلام تانی

أنا الشوق اللى بیضمك

ده قلبى فيه حنان أمك  
وأنا اللي لما أكون جنبك  
ما شئ فى الدنيا بيهمك  
هتسانى ..

وكتفى ياما شال راسك  
ده أنا أهلك..... وأنا ناسك  
وعمرى تاه ف احساسك  
وأنا اللي عشت أبوس ايدك  
وأقول قرآن على راسك  
هتسانى ..؟

ده أنا الصُحبه وأنا اللمه  
وأنا اللي لسة مُهتمة  
بأصغر حاجه بتهنئك  
وكنت الخاله والعمه

هتسانى ..؟

ياراجل .. قول كلام تانى

حتسى ذكريات قلبك ؟

وقلب حنون وقف جنبك ؟

يشيل الدمعه من عينك

يقولك انه محتاجك !

حتسى ذكريات رمضان

ونور بتقيده وسط الدار

صلاه الفجر وجمالها

وشربه ميه مع تمرايه وقت آدان

تنادى عليا تسقيني وأنا عطشان!

هتسانى ؟

حتسى العيد ..؟!!

وأقولك عاوزه لبس جديد

فتضحكى .. تقول طفله  
ويوم عن يوم دلعا يزيد  
حتنسانى؟

ياراجل .. قول كلام تانى  
هتسى كل ده كله؟!!!  
بحلوه وقسوته ومُره  
بضحكه كتير ضحكناها  
وعشنا الفرح جواها  
وقلبى مين بقى يضمه??  
هتسانى...؟

ياراجل.. قول كلام تانى  
مظنش انت تنسانى ..  
ده قلبى لسه بيحبك  
وقلبك دق عشانى

عيونى لسه مشتاقه  
وننى عنيك بيهوانى  
بقولك ايه ...  
بلاش العند وتعالى  
عشان قلبك .. وعشيانى.  
هتسانى؟؟  
ياراجل .. قول كلام تانى !!

# حنين

ياما فينك ....

لو تجينى بس ليلة

أرمى راسى فوق كتافك

تمسحى دمعى بايديك

بحلم إنى قلبى شافك

أيوة ياما .. لو تجينى

تحضنينى...

بس ليلة هيا ياما

محتاجالك ..

أشتكياك

أحكى همي

آه واحشنى انك تضى  
جوه ف ضلوعك آهاتى  
تظبطى يامًا حياتى  
ده انتى يامًا  
كنتى سامعانى ف سكاتى  
كنتى دايمًا تفهمينى تحسى بيا  
حتى لو مليون حكاية .. أحكيها لك  
بتقولى لى ...  
إحكى قولى المتدارية !!  
لو أخبى تلمحينى  
تمسكى الدمعة ف عينى  
محتاجة لك ....  
عاوزة أقولك كل حاجة  
مش بقولها لحد تانى

عاوزة أشكى لك زمانى  
حاسة بيتا ..؟؟  
قلبي موجوع تانى يا ما  
كلهم باعوا القضية  
كلهم عايشبن حياتهم  
جوا دايرة و متدارية  
كلهم فاكرينى جامدة .. أو عفية  
بس أنا بردانة ياما....  
والشتا هائل عليا  
والليالى فيه طويلة  
كل ليلة بالف ليلة  
والكلام مليون أسية  
والدموع صارت وسيلة  
تقضى أوقاتي الغبية

حاسة بيا ..؟؟  
طب تعالى ... محتاجالك  
هى ليلة بس ياما  
لو تجينى  
هحكى فيها كل حاجة  
أيوة هشكى لك أنينى  
و أشكى ناس وجعونى ياما  
سهروا الدمعات ف عينى  
لو تجينى ..  
ليلة واحدة بس ياما  
ريحينى ..  
أو بلاها الدنيا ديا  
مدي ايدك .. واطلبى من الله  
خدينى !!

# كان نفسى

كان نفسى لما أكبر  
أسند عليك ... إيدى  
و أخاف يزيد حملى  
فتقول لى .. لأ .. زيدى ..  
تحضن إيديك كتفى  
وتبص .. تتبسم  
وتقول لى أنا فاكِر  
تعبك وسهر الليل  
أنده .. تردى لى  
أؤمرنى يا ... سيدى !  
كان نفسى لما أكبر

ألقاك هنا .. جنبى  
أحكى و أشكى لك  
عن جرح متخبى  
و تمد لى ايدك  
تمسح على قلبى  
وتهدهد الآهه  
تمحي دموع ذنبى  
و أنام و أنا واثقة  
هلراك هنا ... جنبى !  
كان نفسى لما أكبر  
مبقاش كده .. خايقة  
وعيونى تتبسم  
و أعيش و أنا ... شايفة  
خوفك على قلبى

وتراعى شوق .. حُبى  
أعمل لك القهوة  
نقعد ونشربها  
أحكى على فكرة  
فتقول ... نجربها !  
أضحك .. وتضحك لي  
و أكون كدة ... عايشة !  
كان نفسى لما أكبر  
أتخبى ف ضلوعك  
تؤمر و تتسَيِّدِ  
و أكون فدا طوعك  
أسمع صدى صوتك  
أفرح ... وب رجوعك  
وتصلى تدعي لي

وتتاجى ف خشوعك

يشتد ريح قلبى

أدارى ف قلوئك !

كان نفسى لما أكبر

أقرى لك الجرئال

و أقول كدة كفايه

فتقول لى قولى كمان

و كأنها غنوة ..

مليانة شوق وحنان

وأنول رضا قلبك

وترتل القرآن

كان نفسى لما أكبر

متكونش يوم تعبان

أسهر أهدهلك

أفرح تكون فرحان !

كان نفسي لما أكبر

ألقاك سند ... ليّا

تاخذ بايد روى

توصفنى ... يا قوية

وتكون حنون جدااا

تهدينى أغنية

أو كلمة نعامه

مليانة حنّية

أخفى عليك جرحى

و أهدي اليك فرحى

و أكون فدا عيونك !

لو مرة تتألم

أمسح جبين راسك

و أقول لك اتكلم  
قلبي دة موصوف لك  
إسند عليه راسك  
ارمي همومك فيه  
ولا مرة تتألم  
قلبي دة ملك ايديك  
ورضاك دوا عنيا!  
كان نفسي لما أكبر  
أسند عليك ... إيدى  
و أخاف يزيد حملى  
فتقول لى لأ ...  
زیدی !!!

# مهووش أيوب

مهووش أيوب ..

ولا قادر ف مرة يتوب

ولا صابر على المكتوب

وفايث قلبي انا .... بيدوب

مهووش أيوب بيكذب ,, ,

بس أنا مسامحاه

وبسمع ... شكوته ونجواه

ويتألم ...

مقولش ال .. آه

وبتحمل ف نار فرقاه

وعنده الهجر مش .. محسوب

مهووش أيوب  
ده بُعْده .. دقت فيه الويل  
وقلبي ... فيه صراخ و عويل  
وبسهر ... أبكى طول الليل  
وبطلب أمتى عنة أتوب  
مهووش أيوب  
مهووش ليّا ..  
لكن كل الغرام فيّا  
وكل الحيرة والتوهة  
بعيشها .. بس مخفية  
وكل الذكريات بينّا  
جميلة ... بس محنية !  
ومش بقدر ..  
أدارى الدمع ولا أخبيه

ولا بقسي ف مرة .. عليه  
ولا ف البعد عنه بفوق  
ولا عن حبه يمكن أتوب  
مهووش أيوب  
و أديني ع الحياة صابرة...  
بعيش الحب .. ومثابرة  
وبتألم ... لكن قادرة  
أكمل تانى ميت .. فكرة  
عشان واثقة ..  
بحبى ف قلبة .. ومشاعرة  
وقلبه اللي بلون شعره  
بياضه يمحي كل ذنوب  
وعارفه انه .. ماعني يتوب  
وراضية بكل شئ مكتوب

وبتمنى ...

يجينى الفرح بالجملة

وأعيش تانى الحياة سهلة

وربك ... هو رب قلوب..

وبدعى ربنا القادر

يزين الوعد والمكتوب

ويشفى قلوبنا ويعافى ..

كما أيوب !!

# أمل

بتتكلم أملك  
وتسأل... قلبي بيدك  
وتحكي لي ف أسرارك  
وعارف ..... ان أنا منك  
بترتاح لي ..... وبترتاح لك  
تخبط ..... قلبي يفتح لك  
تنادى عيوني تحكيها  
وأسمع صوتك أفرح بك  
ونسهر.. نحكي أسرارنا  
ونتسابق بأخبارنا  
ومهما البعد تاه بينا

ما يخفى عنا مشوارنا  
بتيجى لوجعى .. وتداوى  
تطبب لى .. وأنا الغاوى  
ليلاتى بسهر أستنى  
حنانك طب ومداوى  
يا كل الماضى والذكرى  
يا حُب وعاش بميت فكره  
فراقنا مهما طال بينا  
حتفضل لى .... أمل بكره

## وبحبك لما تكون رايق

. وبحبك لما تكون رايق  
لا تبات مخنوق ولا متدايق  
وبحب عنيك لما بتضحك  
وتطول الرمش المتعاقب  
وبحب اللمسه ب حنيفة  
والكلمه الذوق والمدادية  
وبحب عتابك بعد خناق  
ب كلام معسول فيه ملاغية  
يا ابو ضحكة جميلة ترد الروح  
انا بستناك ومنين ما تروح  
بتعود بكلام ومفهش جروح

مليان افراح متَحَنِيَّة ...  
وبحب حياتي تَمَلِّي معاك  
واهو ليل ونهار انا بستناك  
يا تجيني بشوق مليان بـ حنين  
يا تروح واهو تبقى  
تاخذني معاك !!

## وبشتاق لك

وبشتاق لك وتشتاق لي

ويفضل حبنا باقي

تفوت أيام وتنده لي

أدفي هواك بأشواقِي

وأجيلك من بلاد تانية

واعد اللحظة والثانية

عشان احضن هوا قلبك

و أدوب وياك ف نار حبك

و امتع روعي بالضحكة

مهو انت رفريقي ف السكة

وسكتنا نهارها طويل

وياما عشنا اوقاتها نغني لها

نقول مواويل

ندندن فيها مع رشدي

علي الرملة

وثومة كات تقول الليل

وكنت ساعات تغني وديع

(دار يا دار يادار)

ك إن القلب كان خايف

بان الحب يوم هيضيع

وان فراقنا هيطول

وان نهارنا هييل

وفينا حد كان هيبيع

واهي عدت....

وهديت كل أوقاتنا

وفكرنا ف عشرتنا  
لقينا العشرة غلبتنا  
تضم ف تاني سكتنا  
تطبب ع الجراح بحنين  
تزود حبنا تاني بألف دليل  
نهاية القول ..

مفيش قلبين شبكهم رب كل الكون  
بحب جميل  
يفرقهم قدر مكتوب  
ولا مسافات ولا خلافات  
تخلي الحب لحظة يتوب  
وانا وانت  
حكاية حب تتغني  
يدوروا بيها ف الملكوت

وادي لنا لسة عايشينها  
صحيح بسكوت ومن غير صوت  
ولكن حبنا باقي  
ويوم عن يوم بيكبر جوه ف قلوبنا  
لحد الموت  
لحد م أموت !!

## ويقولوا

ويقولوا سييبة تعبان ومترديش

ولو عدي قصاد البيت فلا تقفي له عند الباب

وسكي الشيش

ولا تخليه يشوف طيفك ولا يسمع صدي صوتك

واحسن له يروح مي جيش

كلام موزون ومترتب بميت حكمة

م هما شافوني لما عانيت ..ولما بكيت

ولما الجرح صار، ينزف ساعة م جنبه ساب البيت

ولما رجعت من تاني وكات افعاله وجعاني

ورحت شكيت

ف بيلوموا ...

يقولوا ضعيفة مش قادرة وحجتها .تقول حبيت

وايه فيها؟؟

م هو صحيح انا حبيت !!

لكن مش حب م العادي ولا قصة وكلام فاضي

دي عشرة عمر فيها كتير من الحواديت

مشينا طريق طويل جداا ورغم السن والخبرة

علي ايده انا اتربيت

انا هحكلكم القصة في موجز مختصر جدا

مع كام بيت

انا وهو،مكناش قصة م العادي

بمعني كنت نا عشقته بكل كياني وفؤادي

وهو عشقتي وبقوة ف عز النوم يتمم اسمي وينادي

وكنت حبيبته وعشيقته وكنت امه وكنت اخته

وكنت الزوجة واللمة وكنت الخالة والعمة

وكنت صحابه وقت الشدة اخده ف حضني وادادي

مهو كان لي كعيلة كاملة تكفيني وكان واحد من اولادي  
ولكن كل شئ مكتوب .. قدر  
قدر ونصيب ولما يصيب م تقدر، عنه لحظة تغيب  
وتملا الحجر بالمقسوم  
ومن امتي الفرح بيدوم؟  
ولا الراحة ولا الهيبة ... ويدخل ميت شيطان بينكوا  
يصيب القصة بالخيبة  
تبات مهموم .. اكيد .. معلوم  
م هي الفرقة تجيب اوجاع اكيد بالكوم  
وانا  
أنا موجوعة بزيادة و بتألم  
وكالعادة وناس بتلوم  
عرفتوا القصة يا سادة  
أنا موجوعة بزيادة

وهو، كمان

انا عارفاه بيتألم اكيد تعبان

وجرحي اللي نزيفه مرار وقصتنا ورا الجدران

ومين فينا اللي باع او خان.. صبح دخان

حاولت كتير ابيع وانسي واحاول اشترى نفسي

واقول الحب عمره م كان

لقيت نفسي كمان بتروح ..

م هيا القصة ساكنة الروح

واهو راجع.. وتاني بالغرام ببيوح

وقال تعبان وقال مشتاق

وقال انت الهوي فيا وانتي الروح

انا زيك ببات مجروح

فدلوني

انا مش عاوزة غير صوتة..

يريحني وكلمة حنينة منه تفرحني

انا مش طالبة ييجي البيت

ولا عاوزاه يجيب فاكهة

ولا يساعدي في المصروف

انا مش طالبة غير قربه يرد الروح..

ولما ازهق لعنده ارواح

ونحكي لبعضنا ونبوح

واحكي له ويشكي لي

مهو احنا بعيد عن الورقة اللي مكتوبة ..

روحين جمعها رب العرش داخل روح

انا يا سادة بعلمها .....

انا ف بعده بموت م الخوف

فلا تقولوا

ولا تلوموا .. وسيبوا الجرح للمجروح!!!



## محتوى الكتاب

صفحة	المحتوى	م
2	بطاقة الكتاب	1
3	إهداء	2
4	إهداء خاص	3
5	بيشبهلى	4
7	أنا	5
9	مات الكلام	6
13	عارف	7
16	الوداع	8
17	سابقة عليك الهوى	9
19	بنت اللذينا	10
23	إلى من يهمله الأمر	11
27	بفضفضلك	12
30	والف بلاد	13

34	سوق البدل	14
38	لما أموت	15
42	احضنيني	16
46	فوق جبين الحلم	17
49	يا بحر بعث عليك	18
55	ياقهوتك	19
57	وحشتيني	20
61	طبطب على نفسك	21
65	بتكذب ليه	22
70	بتستعجب	23
73	للبيع	24
76	لو صحيت	25
80	هتتسائي	26
85	حنين	27
89	كان نفسي	28

95	مهووش ايوب	29
99	أمل	30
101	بحبك لما تكون رايق	31
103	وبشتاقلك	32
107	وبيقولوا	33
112	محتوى الكتاب	34